



05476

正始堂詩集卷之

西稿

廣陵陸君弼無從甫著

社友審惟忠外臣甫校

燈夕同吳子化都閩程相如游擊顧所建
勳衛集表叅戎海門署中

城雨絲絲夕漏分、匣筵燈彩坐氤氳、歌翻玉樹
飛春雪、火簇銀花暖夜雲、好客總知同北海、能
詩誰復似參軍、長令渤海鯨濤息、拊髀無勞歷
聖君、

正始堂詩集

卷之

一

七

訪運丞施弁巖因談金壇往事愀然賦此
千門積雪照朱輪、淮海今看寵命新、叢桂常依
官舍靜、水晶不厭客盤貧、能忘飛蓋從公子、還
喜分庭見故人、回首壯游零落盡、空將往事問
情親、

春日送何茂倩遊吳門

握別共依依、蒼茫對落暉、歸帆知未定、舊業歎
全非、水市魚蝦足、山城柳絮飛、匣琴尚遺散、不
恨賞音稀、

獨坐小齋偶成

匡牀一飽後，眠坐總相宜。
窓淨雲光貯，階閒草色欺。
祇因貧謝客，還爲病請醫。
辛苦千秋事，蒼浪兩鬢知。

送程游擊募兵淮陽赴朝鮮短歌

程將軍破產結客，不畏貧短身。
精悍負意氣，要離郭解豈其倫。
昔者暹羅曾奉使，橫海遠拜將軍。
壘何意流言中，罷歸十年空卧新安市。
狂夷跳梁日東徙，蠶食朝鮮勢未已。
詔書五道出

正始堂詩集

卷之

二

九

樓船尺籍三江收，猛士居時捧檄向淮濱。
慷慨辭家淨虜氛，細柳共看新號令。
灞亭爭識舊將軍，縣官更與便宜約。
賞格懸金復懸爵，一時應募多良家。
朝辭博場暮戎幕，山中射石羽盡沒。
道上超乘距能躍，只今開府稱楊公。
宿將况有麻劉雄，期君早奮橫行略。
功成歸奏明光宮，景升介子不足數。
要接爾家衛尉不識之英風。

送鄒子遠遊宛陵

春江無浪進帆遲，短刺懷中好傍誰。
最是敬亭

山色好莫教不問謝家祠

題吳司城種芝圖

春雨芝叢五色繁幾年移種石家園烏衣群從
風流在何必金門好避喧

送客南遊

候鴈飛將盡梅花開已稀天涯送君去年鬢各
依依江海猶傳檄春寒未換衣主人東道少誰
與醉芳菲

荅客

正始堂詩集

卷之

三

九

客從遠方來貽我故人書開械再四讀意真詞
弗諛謂我與世忤行已胡獨迂旣已憚躬畊復
薄仕進途樂歲恒苦餒敝服不掩軀仰面看屋
梁空言將奚如感子意良厚未能察區區儋爵
匪不榮寧與傲骨俱稼穡非不好力弗任犁鋤
沾沾著述場聊爲窮愁驅窮愁弗易遣富貴弗
易居吾以從吾好庶幾宣足徒

有鳥

有鳥東南來爲巢良已劬彼鷓鴣胡弗仁一朝奪

而居我躬不遑恤安所念拮据逝將訴上帝九
閻莫可呼鳳皇三歎息謂鳥抑何愚不聞晉與
魯封土百里餘三桓逐其君六卿析其都遂使
帶礪邦忽焉爲丘墟自古皆有然勿謂天道迂
天定能勝人茲理若轉樞

夏日周叔宗過訪同夏玄成小飲得雲字
偃蹇衡門下相尋獨有君炎歎初作客江海久
離羣院靜生繁吹窓虛落片雲羊何况同調能
惜醉斜曛

正始堂詩集

卷之

四

九

夏玄成席上同周叔宗分得林字時叔宗
將北游

湛湛五湖波鬱鬱湖上林我友遠命駕良辰忻
合簪主人具嘉旨美酒聊對斟宿雨薄初暄流
雲豁輕陰時禽逝幽響曲廡疏且深醉餘各言
暢並坐理書琴披弄不知疲玄賞匪自今晤歌
竟日曷千載浮以沉人生苦行役蓬路感我心
會短別恒長華顛忽已侵惠思襲桂枝子寧不

嗣音

送朱憲昌游白門

七載逢君鬢已皤，山中叢桂好婆娑。
東家近日多獐犬，莫爲尋常貰酒過。

用韓非子事

酬莆田朱憲昌過訪

疲馬燕山路南歸，此滯淫獨憐。
傾蓋晚未負入林深，隴樹勞孤夢，闌縵老壯心。
漂零詩滿篋，空感越人吟。

初夏慈谿張成叔吳興茅孝若宣城梅季豹過集草堂分體得五言古詩

正始堂詩集

卷之

五

九

夏雲幕前峰，春藟奄以殘。蹇余臥繩樞，廊處難爲懽。所懷二三子，方舟來自南。解后各適願，投分逾金蘭。命酌臨廣庭，零雨薦薄寒。將炙代瓠葉，七箸焉得寬。旣醉申中私，慷慨千秋言。大雅已寥廓，淫哇日以繁。音軌托殊域，與子夙好敦。雜佩報陸離，何愛與璠璣。皇塗浩難極，發軔自離樊。子其秣良駒，余願從橐鞬。

袁海門以淮楊游擊加銜右叅將賀此

璽書鄭重賜將軍，柳色江城萬騎屯。雄劍拂星

時自看清笳吹月不聞喧邊烽猶自傳遼海師
律應知笑棘門越國怒蛙猶可戰好將吐握蒼
君恩

輓新安吳佳山先生

白首鄆山隱貞孤亦我師登堂今已矣挂劍復
何時名重先賢傳天私大耋期翩翩縵嶺鶴明
月怨歸遲

夢丁元甫

夙昔企風軌旦暮勤相思川塗悵悠悠邁會難

正始堂詩集

卷之

六

九

可期精誠積弗化中夜夢見之蓬門霜葉深蕭
蕭沒履墓爲君具濁醪盤膾飛紅綵博齒余得
雉醕君君不辭旣醉把余腕余亦捋君鬚感槩
申中曲驪若平生偕平生味識面已惜投分虧
營魂偶來息何意托斯須斯須慰情好恟怳失
光儀神交誠有合暫違寧足悲淒飈舉薄帷梁
月餘清輝

送周叔宗入都門兼訊陸纂甫吳允兆張
成叔程康伯茅孝若諸故人

白首詞場戀舊群，不堪岐路日多紛。兵戈遼海無來信，芳草華陽復送君。五兩風前隨去鳥，篋篋酒畔易斜曛。故人欲訊題書懶，惟有加餐好寄聞。

寄余君房叅政

錢唐東去路，雲樹晚淒淒。歲月相思積，關河托夢迷。游逢梁苑倦，禪愛石門栖。衰賤應憐我，何堪隔鼓鼙。

鏡上人以方竹杖見惠謝此

正始堂詩集

卷之

七

九

頗愛邛崃杖，曾從博望聞。龍鍾應爾賴，珍重爲余分。小逕朝行藥，前峰晚看雲。扶攜能忘汝，况復悵離羣。

時上人將還峨眉

○送客遊吳越

孤帆落何處，客路正悠悠。對酒未能醉，蕭條楓樹秋。亂峰迴夕照，遠浦急寒流。回首青樓月，能無憶舊遊。

鏡上人將歸峨眉暫憩虎林偶夢興教山

房與余對月題詩見寄因爲和荅

偶持瓶鉢去暫向石門栖
明月勞相憶青山夢不迷
兵戈歸路遠松葉舊房低
寄我新詩好聊堪慰解攜

孤鷗篇寄楊氏女蘭州

我生六鷁雌者半汝獨孤飛
去鄉貫濁涇水祿祿關塞迂
日暮無城眼空斷汝今去我
十載餘岐路迢迢音信疎
汝弗宜子姑汝棄排擠日因群
小誣更聞朝夕貽之肄顏色
漸槁手爪粗我弟昨官狄道
令到遣郵車卽汝迎知汝失所
且復正始堂詩集卷之八
孤天涯相對淚如逆書來責我
更問嫂當時婚嫁何草草古者
朱陳不出村胡爲棄女萬里道
嗟汝失所我所遺我今衰颯汝
豈知公車期過不得上凄然環堵
晨無炊兄弟皆婚兩妹嫁天南地
北傷參差白頭見汝知無日况復
秋風對蕭瑟秋風鴻鴈滿秦天
可憐腸斷孤鷗篇

游俠篇

少小事游俠不避輕薄名
結交屠沽兒三輔恣橫行
千金市駿馬百金市蒼鷹
十千裝寶劍重

樹敬亭雲白時能駐講後花飛首徑寒吟邊鶴
下松窓暮貫酒聊憑俸一囊問竒每見門盈屨
梅家叔侄金豪賢雄詞健筆凌雲烟相思與我
別經歲相見知君割半氈中林有興堪日往不
妨把臂成陶然華陽峰高倚空碧茗葉春來青
可摘槭書倘憶桑苧翁西歸不乏歸鴻翮

聞汪子山還江上寄此

經時負末疴况與知己違惠思在久要能弗勤
中懷昔別鳴鴉晨今睹素雪飛雪霜知歲改僕
正始堂詩集卷之十
馬知客疲大婦下機迎小婦具美炊斗酒命四
隣嬾婉集光輝乃信詩人言遠行不如歸長跼
奉書札寄君以素綵積襪亮不易願言慎所治
歲暮送戚不磷還吳門

秋風司馬署蓬散十年間琴酒那堪問兵戈共
愴顏俗寧容白眼各不負青山剡水能乘興應
誇見戴還

寶劍篇送夏玄成赴春官試

我有寶劍名干將斗間夜夜騰晶光鸚鵡膏滲

鐵花古琉璃鞞雜蛟皮裝火齊飾靶玉刻璣金
環係組七尺長佩之十年同骭礮彈歌耻向朱
門傍君也能文復能武紫面虬髯氣如虎窮交
解贈知不辭神物飛揚欣有主黃金易水尚高
臺千秋馬首浮雲開荆卿自是酒人俠樂毅終
憐霸者才只今東夷背漢德蚕食朝鮮意叵測
天子常勤拊髀憂群公竟失和戎策筆札看君
待詔起空言應笑豎儒鄙國家要領次第陳得
展生平報知己君不見馬相如上林賦就侈且

正始堂詩集

卷之

十一

九

都一朝冉駮看建節縣官羈矢爭前驅又不見
陸生新語稱奇絕每奏一篇隆準悅鼓舌尋常
下趙佗羞與絳灌齊聲烈卓犖君才世罕儼香
名年少傾吾里大鵬奮翮摩赤霄丈夫唾手取
青紫我歌寶劍篇君起爲之舞淮水蒼茫日易
斜千林蕭颯來風雨行行勿復惜離羣願君努
力策高勲一龍一蛇在轉盼君行自貴我自賤
他年結駟問原思藜藿窮閭惟所羨

再送玄成

橐筆長安再送君、梅花酒畔日初曛、孤城鼓角
連滄海、帝里河山護紫氛、入郢陽、春元寡和過
都汗血、本空群、竹西談麈能相憶、馬首鶯聲隔
五雲、

正始堂詩集

卷之

十二

九

正始堂詩集卷之

丙申稿

廣陸君弼無從甫著

社友孫紹本遂初甫校

春日鑾江重過資福寺

乘閒憇蘭若、孤磬隱松扉、綠樹千家出、澄江一鳥飛、客衣春未換、禪誦老能依、尚憶題詩處、尋僧半已非

花朝日吳唐虞移酒同侯師之王康成汪

子山馬美人集侯言之莊居因懷程康伯

正始堂詩集

卷之

一

十

得亭字

載酒問玄亭、春江草又青、水邊開野酌、林際出芳坰、韶景憐難駐、良朋感易零、好揀今夕醉、歌伎莫教停

春夕同師之康虞子山集康成梅花館嘗

襄陵梨花酒醉後放歌一首

春江殘雪驕晴姿、齋前梅萼初破枝、卷慢焚香對寥廓、斜日霏霏寒尚薄、主人留客客不辭、名酒張燈共斟酌、梨花酒美來襄陵、髣髴壘小不

浦升故鄉風味欣沾口

余故雲中人

當杯惜醕復停

手騎驢浪得劉家名
桑落蒲桃俱向後
酒闌君歌我起舞
香池燈昏月正午
與君今夕不極歡
徒令別去相思苦
逝水流光難再回
霜毛冉冉鏡中催
豪奢瞥眼易消歇
昨日華屋今蒿萊
世事沉類如此
雍門感激空興哀
花晨酒夕豈恒有
勸君莫辭堂上杯

子山移具城東周氏園
同師之諸君分得

雲字時羅姬侍酒

正始堂詩集

卷之

二

十

花深閒進艇
芳徑曲穿雲
野席山光入
隣家樹色分
夕陽低粉堞
春水淨羅裙
陌上桑堪賦
終疑誤使君

同康成諸君集師之莊居

羨爾幽棲處
翳然林水深
墟烟過寒食
庭柳變時禽
花遲春能掃
蘭尊日共斟
白雲容與在
乍可愜芳襟

同文岷陽諸君集侯師之含青樓得山字

二月春來半
孤舟客未還
數逢故人酒
暫得開

心顏江暖初飛燕，窓晴忽見山梅花。醉堪把應愧髮絲班。

清明日江上諸君約看都天廟桃花

柳色片帆斜，春江物候嘉。人烟尚楊子，

楊子爲真州故

縣址客計又桃花，年髻看非舊。心期幸不賒，玄都

仙路近，爲我具胡麻。

過程康伯故居有感

時以家難爲燕楚之游

風雨暗江干，懷君別路漫。猿聲湘水夕，馬色蘄

門寒。舊業荒應盡，新交定欲難。春風餘竹色，無

正始堂詩集

卷之

三

復子猷看。

同王康成諸君過繆江嶼新城故居花下

小酌因與道舊愴然賦此

春來江上看花期，可憐車馬自成蹊。剡水沿洞

輿易盡，武陵咫尺漁郎迷。尋君偶過新城北，絲

絲弱柳遮簷瓦。幾家隣舍桃花邊，風氣宛然君

子國。回首論交已卅春，憐君兄弟最情真。黃金

結客歎蕭索，白頭奉母愁饕殮。我來登堂還拜

毋小，具盤餐面猷畝村。酤旋貫不滿罌，脫粟能

炊僅充口邇來踪跡聞汝兄衰年寄食揚州城

瑯琊父子相繼死

謂王苓山少
苓父子也

更誰肝膽稱平

生四明故人今當國往與君家布衣識一龍一
蛇勢既殊爲雲爲雨意安測世態悠悠豈足憑
古人所寶惟力食薄田但願逢有年相逢歲歲
醉花前朝見花開暮花落與君交態當不然

題秘戲圖

迷樓花暖鑑屏裝秘戲傳來事總荒翻笑巫山
雲雨裏徒將魂夢惱襄王

正始堂詩集

卷之

四

十

真州初還舟阻楊子津夜午始抵廣陵宿
南關紀事

朝發楊子縣暮投楊子津客計又經寒食過人
家始見禁烟新官舫漕綱橫馳驚打鼓鳴鑼奪
河路長年袖手不得前纔欲伸篙軍卒怒咫尺
巖城限莫通月明宿檠驛樓東紅梁隔岸千燈
起翠箔朱闌看夜市荆吳大估爭落帆歡呼貫
酒明燈裏酒壚處處柳絲懸壚頭少婦工數錢
十年空憶揚州夢支枕聽歌倍黯然

江上初歸值余生朝時年六十九度矣酒
次漫成却寄橫山社諸子

蕭齋春又半江上客初歸層喜逢今閏

是年閏二月

年驚迫古稀交游貧自好琴酒晚相依邢水魚
漸綠期君掃釣磯

送潘稚恭北遊兼訊程康伯

憶君鑿江與我別朔風吹地十字裂廣陵今復
送君行隋堤渙渙春水平水上垂楊翠欲掃風
起飛花滿官道踟躕立馬官道傍勸君好盡黃

正始堂詩集

卷之

五

金觴酒酣日斜客子發燕雲楚水愁茫茫君到
都門夏將半北地寒多衣未換程生久客金應
空芳草修途眼欲斷長裾市上自婀娜短刺懷
中空漫漶君與同鄉情最親天涯攜手定酸辛
淒涼三逕歸難得飄泊弁州暫卜隣昭王臺荒
易水上千秋日送浮雲往驚心畏路滿風波攬
淚高天洒烟莽烟莽蕭蕭一望餘那堪衰白感
離居秋來碣石多飛鴈莫忘西風寄我書

荅吳門錢功甫

春江吹上雙鯉魚。前日得君閫闔書。昔蒲箋短
僅盈尺。小樣能傳薛家箋。新詩寄我字字奇。試
教擲地聲金石。書及丁丑年來事。使我聞之增
惋惜。是時君年三十強。我雖及艾髻未霜。青樓
買醉夜初午。吳姬如花酒如乳。緩聲一曲譜前
溪。翻得梁生新樂府。酒穠花艷懽乍歇。孤舟欲
上難爲發。門前涇冷錦帆波。婀娜霜蒲挂寒月。
回首風塵廿載餘。吳山楚水倚踟躕。嗟余衰颯
今應甚。聞君亦改舊頭顱。獨有青衫尚疇昔。不
似紅顏易拋擲。千金誰爲買龍淵。十襲徒教藏
鼠腊。鼠腊龍淵自有真。英雄莫遣浪沾巾。君看
報越強吳者。終是吹篴覆盎人。

昔者行

過梅花嶺作

昔者吳公守揚州。此地多窮土木力。丁夫畚鍤
日如雲。閭閻徵發歲不息。黃金作觀碍飛鳶。淥
水穿池聚鷗色。層岡崩削劣時其。後雙隄蜿蜒爲
之翼。間寮別署鬱相望。疊石編茅幽可陟。搜剔
頗竟心思巧。位置一遵圖繪式。教下仍許遊人

同香鞞細馬途常塞公時單車集府僚春城漠
漠紅塵高林花喜迎太守醉習池未減山翁豪
豈知世事有翻覆眼前興替猶轉轂可憐歌舞
席尚溫一朝棄之樵與牧周垣崩塌衛不守窓
扉拋置人偷鬻金鋪雨暗蝸殼粘羽帳風開鼠
晝伏隣兒攀簷探巢鷓野雉挾子啄堦着碑碣
半徙官寺用器什盡招商賈贖公昔爲郡喜任
事屹然強項無所避增陴濬河疏五塘于時嘖
嘖稱吏治柰何般遊復及此遂用囂囂媒衆議
正始堂詩集 卷之七 七

州輸縣供辦不難撤屋夷墳怨乃萃嘉隆以往
此通衢誰其塞門始罷肆墜荒闕廢亦良圖民
愚豈足窺公志君不見此地宋有雲山觀萬瓦
崢嶸闔天半陳公鄭公今已矣

謂升之
興裔也

咫尺遺

墟看漫漶隋樓漢堞誰復尋桑土滄波一昏旦
又不見文王之囿四十里當年臺沼無留址千

秋萬歲頌未已

偶成

裹足臥蒿蓬翛然半畝宮何嫌生計拙難學世

情工山色踈垣上，蕉聲細雨中。繪牛非所事，心不愧墻東。

送客之楚

握手重依依，孤裝向夕暉。計程過夏口，到日換春衣。江柳迎帆綠，山鶯掠酒飛。北鴻歸欲盡，應念素書稀。

呈沈廷尉三十韻

代汪子山作

江左衣冠盛，休文族里宏。弱齡傳八詠，射策首群英。粉署含香入，金聲作賦成名。邦頻出牧，留

正始堂詩集

卷之

八

省近持評懇，惻常垂念哀。務得情楚書，星是赦棘寺。月爲卿法擬，明經飾人稱。庶獄明釋之，寃自少定國。代應亨，往憶登龍日。空慙附驥名，通家叨下士。受業有難兄，髻爲羈愁短。囊因任俠傾，掃門今不却。倒屣昔能迎，座每推文舉。狂多諒，正平吟留玄武月。醉聽白門鶯，繫襪恒忘賤。叅乘數借榮，江山供蠟屐。風雨對楸枰，思慰相如賜。需和傳說美，不難銘竹素。方擬頌河清，從此銷刑鼎。家頒耒耜畊。

夏日讀書偶成

陸生有髻青盡歇懶不能冠常累月陸生有股
半欲枯下堂咫尺須人扶杜門謝客客不至羞
向妻孥問生事北窓花靜日高眠起趁南颺手
一編有時興好爲韻語肯從時輩爭媮妍生不
願博世上榮死不願垂身後名天時物候偶相
逼蝸吟蚓唱誰能塞人間萬事信悠悠陸生有
眉不掛人間愁

贈日者劉生

正始堂詩集

卷之

九

逢君華髮楚江邊卜後垂簾日晏然我已輕肥
無所念肯從唐舉問長年

有感

猛莫猛於南山之虎尚可將其鬚毒莫毒於東
海之龍猶可探其領下珠人情之險何不至視
彼二虫真兒戲我生痴狂但有真悔將肝膽誤
投入入耳甘言勝桃李豈知轉首爲荆榛世事
澆漓眼難睹古人交道棄如土古人異代不我
知今人對面心九疑一錢入手計百出等閒齷

友同嬰兒吁嗟乎古人今人勿論已人道苦遠
天道邇君不見昨日城東雷火轟人死

秋夕懷汪子山

散帙至棲禽、聞門火過臨、候虫燈下集、秋草雨
中深、與世難爲合、惟君共此心、雙魚久寂莫、何
敢問浮沉、

雨夕懷程仲貞寺居

孤城秋色裏、落木坐蕭森、流水空存匣、非君誰
賞音、乾坤蓬鬢短、風雨佛燈深、漸喜登高近、黃
正始堂詩集卷之十

花擬共尋、

初
秋日送銅陵劉賈叔東還兼柬余上舍伯

傾蓋江干日、相思別後同、數尋惟有夢、再見各
成翁、末路空蓬累、幽期且桂藜、裁書報公子、芳
草思何窮、

寄題凌介卿環翠亭

林際孤亭翠、自環十年曾憶此、盤桓每因朗月
思、玄度賴有殘書伴、幼安滄海濤聲憑檻入、白

狼山色捲簾看，知君早晚趨金馬。未擬鷗波狎釣竿。

秋閨曲

溽溽白露濯天河，瑟瑟青楓照江波。高樓空度可憐夕，誰家更唱宛轉歌。階下綠苔明熠燿，帳前銀燭繞飛蛾。留歡只解娛秋夜，歡去逢秋怨轉多。不怨虬壺漏聲緩，祇愁鴈塞音書斷。金猊火滅詎復溫，玉軫流塵常自滿。迢迢隴水望秦川，風葉霜花年復年。葉如歡情還更薄，花比妾

正始堂詩集

卷之

十一

十

貌片時妍

吳儂曲

余雅不喜作陳隋間艷詩，注子山所歡字姬相爲荅，贈要余和之，效顰應此子山幸覆盎，毋令白下少年笑。余儉父強作吳儂態也。

郎遊昔繫青驄馬，儂家只住青溪澗。谿水故托東西汝，儂情長似往來時。琢得瓊環能耀指，裁將寶曆爲安眉。自矜嬌小不解恨，詎信棄擲有

相思此夕獨眠未易旦此時雙笑難爲期茱萸
折葉葉空好芙蓉采花花已遲生憎西陵松柏
樹春風偏長女蘿枝

賦得西王母爲陳太君壽

西望崑崙城雲峰鬱嵯峨招指瓊臺側云是王
母家蘭宮結空構擘擘并丹霞琪樹羅戶庭青
鳥巢其柯借問侍者誰靈妃與素娥朱顏一何
粲羽衣飄婀娜遊戲歷東溟願歎清淺波頓轡
廣陵陌層城蔭曲阿中有真人居其字曰婉羅
正始堂詩集 卷之 十二

九日獨酌

少授阿母術千齡尚童牙佩結蒼龍精副筭而
六珈麻姑脯其麟安期棗如瓜玉樽命飛瓊拊
璈奏雲和妙暢樂自然同賦瑤池歌

環堵秋光滿端居物候催偶然成獨酌正喜黃
花開磬折知非計樽全賴不材南山忽在眼聊
復與徘徊

廣陵送吳仲實光祿還朝兼訊程康伯太

學

與君萍跡五年違。又復鳴珂向禁闈。明月寒依
詞客橐。黃花晚映使臣衣。愁邊綠竹他鄉別。酒
畔河山舊侶非。問訊故人書久斷。尊鱸秋好幾
時歸。

茅平仲自毛參軍所移榻草堂夜坐同賦
彈歌君未慣。惟不厭茅茨。末路逢搖落。長江對
別離。窺簷山月小。喧砌草虫悲。不盡風塵意。沉
冥傍一卮。

送蔣太清遊閩中

正始堂詩集

卷之

十三

北遊初握手。相送復南征。碧水丹山路。孤舟幾
月程。客盤甘海味。鄉夢駭潮聲。此日諸侯貴。誰
能好馬卿。

秋日過顧益卿司馬城西園居同湯慈明

諸君小酌

故人握手共從容。却喜山厨酒乍濃。遠堞夕陽
明。薜荔曲池秋水淨。芙蓉偶從物外稱。司馬寧
許隆中老伏龍。山閣幾時移襪被。月明來聽木

蘭鍾

送吳伯生還休陽兼訊乃翁蒼臯先生

三年驚聚首，又復送君還。挂席秋風滿，開尊野菊班。代能傳白雪，家喜住青山。問訊而翁老，松蘿久掩關。

君家赤壁山，山水頗幽勝。

余家負宅有樓，五楹爽塏，可眺望先後爲隣人典住，且六十年而貧不能復。因遙題之曰寄閣若寄之於人耳，然卽歸我安知不爲人所寄乎？作詩自解。

正始堂詩集

卷之

十四

浮漚明月悲今昔，青山笑去留。隙駒看幻界，吾敢問菟裘。

送葉正朗還四明

昔與佳人期，日夕勤延佇。睠焉惠來綬，握手伸中襟。貽我新詩文，五色燦烟霧。晤言不須臾，趣駕一何遽。素風飄白日，芳草忽以暮。含茲千秋懷，躑躅寒江路。下有湛湛波，上有青楓樹。離別自茲始，歲月不肯住。努力愛玉體，慷慨托毫素。題洪崖仙人畫寄壽豫章少玄宗侯。

仙人洪崖子混跡天寶間翩翩白雪精照耀桃

花顏

君好騎白驢號于歲雪精

奉詔有時遊帝闕上書旋復

乞還山洪崖去今倏千載人世蒼茫幾桑海五陵自是列仙鄉曾傳秘記留旌陽仙人八百出其地甲子偶與君侯當好共吹簫追子晉誰言鴻寶私淮王姓名久挂神仙籍他日丹成別豫章

逸程仲貞東還

燃桂復吹玉天涯橐已垂世情堪自見客路更

正始堂詩集

卷之

十五

十

何之獨鳥寒雲外千峰落木時孤舟見明月此夕共相思

毛自牧叅軍以候調暫還吉水省覲同何長卿諸君送之瓜渚而別

天涯共把臂歲暮易沾裳莫問官階左還愁客路長江鴻低落照湖柳脆清霜却喜匡廬色春來滿北堂

冬夜同趙學甫山人吳子化都闔三祇大士集袁游擊署中

營開萬柳楚雲東，卜夜金尊喜暫同。長揖况能
寬客禮，雅歌真不減儒風。城烏啞啞寒燈外，邊
馬蕭蕭暮角中。自是淵源擅名理，時揮玄麈對
支公。

爰質自郡城，移居松陵葢壬辰春也。顧學
憲道行贈之書。若詩里中諸公各有和章。
丙申冬質甫過廣陵出以示余。時學憲已
爲異物矣。展翫悽然爲補四十字于下方。
釜甌聞移處，依然茂苑東。名何慚畫隱，老不厭
正始堂詩集 卷之 十六
詩窮谷鳥聽常變，林僧話偶同。西州今日路，雪
涕爲司空。

謝三祇上人見惠舊磁軍持

老結支公世外緣，軍持分贈舊龍泉。蒲團竹几
齋心坐，長供楊枝大士前。

詠物詩十二首和徐茂吳

竹粉

籜解鉛華箇箇勻，誰將初幹擬浮筠。烟含秦女
粧時媚，露浥何郎拭後新。豈待策探方比玉，未

教管擲已如銀小窓曲几清相映彷彿蓬山隔
世塵

松濤

飄颻長飈汎遠林忽從翠鬣度淋淋千枝捲雪
聽疑濕萬響浮空勢欲沉瑟瑟偏教驚鶴夢蕭蕭
蕭還擬雜龍吟相憐惟有陶真白樓外風波早
息心

花影

含風弄月數枝橫搖裔蒼苔鳥下驚舞席侵來

正始堂詩集

卷之

十七

+

偏有態隣牆窺處似多情扶疎尚自迷游蝶掩
映還教趁落英却向小窓憐少女屢移銀燭畫
難成

柳烟

河橋千樹接氤氳花暗銀鞍憶送君漠漠乍晴
寒食候霏霏欲冷灞城驢陰連廣陌籠應徧影
夾清池照未分飛去綠鷺渾莫辨枝頭時送一
聲聞

梅雪

幽姿風外疎，遠密微霰朝來合。復離不信樓臺，
春尚淺，最憐寒艷晚相宜。英連袂，悞香來處，絮
集翻疑粉破時。最是閨中工剪彩，定誰學得兩
三枝。

香塵

玉床花裏試嬋娟，沉水施來細似烟。屑軟寧妨
兼百和，踏輕未遣浣雙纏。浪言飛燕裙能舉，除
是凌波襪並妍。却笑空宮多餓死，阿誰曾得楚
王憐。

正始堂詩集

卷之

十八

燭淚

蠟光夜午暖銅盤，的的風簷細液殘。綠焰偶低
心自濕，紅冰欲溜影初寒。晃簾似益湘波潤，飄
戶疑隨玉露溥。獨向宵闈伴啼面，春情灰盡滴
難乾。

鴈字

聯翩趁侶起，迴塘點點排空去。翼長殘月關河，
深寫影晚烟庭院淡。連行曾經雪後，遶胡地，却
向花時別瘴鄉。來往不辭毛羽敝，飄飄猶自挾

風霜

睡蝶

春入郊園日漸長，倦尋雙侶過東牆。枝間息影如憐粉，風外游魂尚帶香。化處也知隨漆吏，搗來應是避滕王。金鈴葉底偏相惱，首宿花肥蝶正狂。

水花

恠得天鷄報曙遲，月明青女試粧時。疎林片片含澌結，素藻盈盈帶霧披。光奪舞姬簪上玉，淨正始堂詩集

卷之

十九

+

分鮫女織中絲，春風倘是相憐惜。莫遣尋常學絮吹。

遊絲

何處飛來一縷輕，春衣時點未分明。宛從越女水機出，寧待吳姬雪繭成。小院花深沾裊裊，空簾風細度盈盈。可憐蕩子心腸似，最是聞閨易愴情。

月露

月午青樓露未晞，玉聯珠粲冷相依。溥溥似濯

珠華淨皎皎疑添玉液稀桐葉甘流輝乍滿桂
枝香濕滴方微一時光景詞人賞不信騷壇有
是非

往王弇州謂詠物詩易傷體裁絕不爲後
亦不覺汎濫焉遂至盈帙頃徐茂吳有詠
物詩十二首余愛其風骨蒼然不減弇州
而韻度婉逸時或過之偶動技痒倚和之
各如其目所愧才謏力孱沈澗齊梁晚唐
之間瞪視二賢不翅十舍然以足病謝客
正始堂詩集 卷之 二十

兀坐空齋口吟腹畫聊以送日耳體裁離

合弗暇計也

後五君詠

李司理春開

隴西美于思落落嶮崎人丁年遭休運所念與
願伸吾郡試爲理訟獄時稱平從政有餘力濡
意新詩文溫其從酒德遨遊以嘉賓路端繁華
子悅懌若九春明誓非不着要非我思存

周兵憲夢賜

使君起南楚，英然負遐矚。束髮遊承明，荷紫曳
鳴玉。觀風淮海壖，豪猾用屏伏。游宦亮已達，雅
非中所欲。興心翰墨林，千秋奮高足。林霧舒豹
彩，谷飈振蘭馥。徒然腹下義，安能附六翮。

江戶部來岷

江公郎司農，雅推善心計。奉檄臨江淮，賓旅頗
稱至。名實日已達，細微所弗棄。旣縻監河粟，益
恭夷門轡。良時展嫵婉，晷短宵燭繼。脩爵戒淫
荒，辯論釋幽滯。勉哉蟋蟀詩，保此太康意。

正始堂詩集

卷之

二十一

十

張郡丞文運

公夙負耿介，于世澹靡嬰。乃由國子師，佐政來
蕪城。削牘有餘力，拔藻無遺情。卑躬事結納，所
至士能傾。我聞伐木詩，鳥鳴懷友生。周公下白
屋，吐握不遑寧。後世鮮聖賢，非公孰嗣聲。

楊運判瑞雲

楊公最先達，三仕淹爲郎。監官雖內地，一麾類
投荒。懷璧乃獲愆，信修誰見明。衆女興謠諷，間
椒難處堂。充帟以蘇壤，申椒由不芳。連蹇顧僕

